


UTUMIKI WA KHRISTU KU DZIKO LAPANSI



ADRIAN EBENS

Zamkatimu

1. N'chifukwa Chiyani Yesu Anabwera Padziko Lapansi?	3
2. Ziweruzo za Mulungu Sizichokera kwa Iye Mwachidunji.....	6
3. Mulungu Sakakamiza Aliyense	10
4. Utumiki wa Khristu.....	12

N'chifukwa Chiyani Yesu Anabwera Padziko Lapansi?

Kubwera kwa Yesu Khristu padziko lapansili kunali chikondi, kukoma mtima ndi chifundo chopitirira kuzindikira. Kutsika paudio Wake wokwezeka kukhala munthu kumatidzaza ife ndi kudabwa. Kuganiza za Mwana wa Mulungu, ukulu wa Kumwamba kudzichepetsa yekha kuti abadwe mu khola ngati khanda losatetezeka. Zotsatira za mchitidwe umenewu zokha ziyenera kugonjetsa kunyada kwachibadwa ndi chilakolako chaumunthu.

Funso lomwe liyenera kufunsidwa ndilakuti adabwera chifukwa chiyani? Uthenga weniweni ndi utumiki umene lye anadza kudzapereka ndi wotani? Pemphero la Yesu, usiku uja asanapachikidwe pa mtanda limatiuza momveka bwino cholinga Chake ndi utumiki Wake.

Ine ndakulemekezani pa dziko lapansi. Ndamaliza ntchito yomwe
Ine mudandipatsa Ine kuti ndichite. Yohane 17:4

Apa Yesu akuti uza ntchito imene Atate anamupatsa lye kuti ayichite. Ntchito iyi inali yoti alemekeze Atate. Kodi ulemerero wa Mulungu ndi chiyani? Mose anafunsa funso ili ndipo Mulungu adavumbulutsa kwa Mose ulemerero Wake.

Ndipo iye (Mose) adati: "Chonde ndionetseni ulemerero Wanu."
Eksodo 33:18

Ndipo Yehova anatsika mumtambo, naima naye pamenepo; nafuula dzina la Yehova. Ndipo Yehova anapitirira pamaso pake, nati, Yehova, Yehova Mulungu, wachifundo ndi wachisomo, woleza mtima, wodzaza ndi kukoma mtima ndi chowonadi, wakusungira anthu zikwi, wakukhululukira mphulupulu ndi kulakwa ndi uchimo, koma wosamasula wochimwa, wakulangira ana ndi zidzukululu chifukwa cha mphulupulu ya atate ao, kufikira mbadwo wachitatu ndi wachinai. Eksodo 34:5-7

Chimene Mulungu anaulula chinali khalidwe Lake. Wachifundo, wachisomo, woleza mtima kapena wopirira, wodzaza ndi ubwino ndi choonadi. Kudziwa zinthu zimenezi n'kofunika kwambiri za Atate wathu. Chotero tikuwona kuti

Yesu anaulula khalidwe la Atate Ake. Anationetsa chifundo, chisomo, kuleza mtima, ubwino ndi choonadi cha Mulungu.

Zikutanthauza chiyani kuti Mulungu adzalanga zolakwa za atate pa ana mpaka mbadwo wachitatu ndi wachinayi? Choyamba, tiyeni tiwone nkhani yofanana kwambiri m'mawu opezeka m'malamulo khumi.

Usadzipangire iwe wekha fano losema, kapena chifaniziro chilichonse cha zinthu za m'thambo la kumwamba, kapena za m'dziko lapansi, kapena za m'madzi a pansu pa dziko. Usazipembedzere izo, usazitumikire izo; chifukwa Ine Yehova Mulungu wako ndili Mulungu wansanje, wakulanga ana chifukwa cha atate ao, kufikira mbadwo wachitatu ndi wachinayi wa iwo amene akudana ndi Ine; ndi kuwachitira chifundo anthu zikwizikwi a iwo amene akondana ndi Ine, nasunga malamulo anga. Eksodo 20:4-6

Mulungu wa m'Baibulo ndi Mulungu wachifundo. Anthu amene asiya Mulungu woona ndipo nasankha mulungu wobwezera ndi kubwezera chilango pamapeto pake adzakumana ndi zomwe akukhulupirira monama. Sichifukwa chakuti Mulungu amawaononga iwo koma chifukwa chakuti iwo atembenukako kwa Mulungu ndi kuchokako ku chitetezo Chake adzadzziika okha m'manja a woonongayo ndiye Satana.

Ndipo linali nayo Mfumu yakulilamulira, mngelo wa chiphompho chakuya; dzina lake m'Chihebri Abadoni, ndi m'Chigriki ali nalo Apoliyoni - Woononga. Chibvumbulutso 9:11

Kapena tisayese Ambuye, monga ena a iwo anayesa, naonongeka ndi njoka zija. Kapena musadandaula, monga ena a iwo anadandaula, naonongeka ndi woonongayo. I Akorinto 10:9-10

Satana ndiye woononga, koma Khristu ndiye wobwezeretsa. {Review and Herald, November 26, 1895}

Mulungu amatumiza angelo ake kuti aziyang'anira ndi kuteteza ana ake. Iwo amene amakana Mulungu woona, pambuyo pa zaka zodandaulira ndi zochonderera mwa Mzimu wa Mulungu, kenako amasiidwa wokha

malingana ndi chisankho chawo. Izi ndi zomwe zinachitikira Israyele pakuwoongedwa kwa Yerusalemu mtunduwo utakana Mesiya.

Ha, Yerusalemu, amene umapha aneneri, ndi kuponya miyala iwo otumidwa kwa iwe! Ine ndinafuna kangati kusunghanitsa pamodzi ana ako, inde monga thadzi lisonkhanitsa anapiye ake m'mapiko ake, koma inu simunafuna ai! Onani, Nyumba yanu yasiyidwa kwa inu yabwinja. Mateyu 23:37-38

Ziweruzo za Mulungu Sizichokera kwa Iye Mwachidunji

Mulungu sanawononge mtundu wa Israele Mwiniwake. Anasiya mtundu wa Israele kuti uwonongedwe ndi woonongayo.

Ayuda adadzimanga okha maunyolo; iwo anali atadzaza okha chikho cha kubwezera. Mu chiwonongeko chonsecho chowagwera ngati mtundu, ndi m'masautso onse adawatsata m'kubalalitsidwa kwawo, adali kututa zokolola zawo zomwe manja awo omwe adafesa. Mneneriyo anati: “O Israele, udziwononga wekha;” “pakuti wagwa ndi mphulupulu yako.” Hoseya 13:9; 14:1. Kuvutika kwawo kawirikawiri kumaimiridwa ngati chilango chowayendera ndi lamulo lachidunji la Mulungu. Ndi choncho kuti wonyenga wamkulu amafuna kubisa ntchito yake. Mwa makani kukana chikondi cha umulungu ndi chifundo, **Ayuda adayambitsa chitetezo cha Mulungu kuti chichotseredwe kwa iwo, ndipo Satana analoledwa kuwalamulira mogwirizana ndi chifuniro chake.** Nkhanza zoopsa zomwe zinakhazikitsidwa pakuwonongedwa kwa Yerusalemu ndi chisonyezero cha mphamvu yobwezera ya Satana pa iwo ololera ku ulamuliro wake. {Great Controversy 35.3}

Ichi ndi chimene Mulungu akutanthauza pamene iye amalanga zolakwa za makolo pa iwo ana kufikira mbadwo wachitatu ndi wachinai wa iwo akundida ine. Mawu oti kuyendera mu Chihebri amatanthauza kuyang'anira, kusamalira, kulamula, kuyitanira ku chikumbukiro. Atate wathu wakumwamba amalola kuti zosankha za munthu aliyense ziimirire. Sakakamiza anthu kuti asinthe malingaliro awo. Iye amayang'anira ndondomeko ya munthu aliyense wolandira zipatso za zosankha zawo. Baibulo limafotokoza motere.

Musanyengedwe; Mulungu sanyozeka; pakuti chimene munthu achifetsa, chimenecho adzachituta. Pakuti wakufesera kwa thupi la iye yekha, chochokera m'thupi adzatuta chivundi; koma wakufesera kwa Mzimu adzatuta moyo wosatha. Agalatiya 6:7-8

Mbeu zauzimu zimene munthu amabzala zidzaloledwa kubala zipatso kaya moyo wosatha kapena imfa. Mulungu amayang'anira ndondomeko yolola munthu aliyense kukhala nayo zipatso za zisankho zake. Ichi ndi chinthu chokhacho choyenera kuchita. Ngakhale zimayambitsa Atate wathu kuzunzika koopsa kulola izi, amazichita chifukwa ndi woleza mtima ndi kuti ufulu wosankha umasungidwa kwa onse.

Ndinaonetsedwa kuti ziweruzo za Mulungu sizidzabwera mwachindunji kuchokera kwa Ambuye pa iwo, koma motere: Iwo amaziika okha kupyola chitetezo Chake. Amachenjeza, kuwongolera, kudzudzula, ndi kulozera njira yokhayo ya chitetezo; ndiyeno ngati amene achitilidwa chisamaliro mwapadera atsata njira yawo popanda Mzimu wa Mulungu, pambuyo pa machenjezo mobwerezabwereza, ngati iwo asankha njira yawo, ndiye kuti satumiza angelo Ake kuti alepheretse kuukira kwa Satana pa iwo. {14 Manuscript Releases 3}

Pali ena amene amatsutsa kuti mawu awa ochokera kwa Ellen White simfundo zoyimila zonse koma amangonena za chochitika china chake chitangotsala pang'ono kufika nthawi yomwe analemba izi. Ndime ziwiri m'mbuyomu adalemba kuti:

Ndinaonetsedwa kuti nthawi inali posachedwapa kuti awa omwe Mulungu adachenjeza ndi kudzudzula ndi kupereka kuwala kwakukulu koma iwo sanakonza njira zawo ndi kutsatira kuunika, lye adzachotsera kwa iwo chitetezo chakumwamba chimene chinawasunga iwo kuchokera ku mphamvu ya nkhanza ya Satana; Yehova adzawasiyira ndithu kwa iwo okha kuti atsatiire chiweruzo ndi uphungu wa iwo eni wa nzeru; iwo akangosiyidwa kwa iwo okha, ndipo chitetezero cha Mulungu chikangochotsedwa kwa iwo, ndipo iwo sangatetezedwe ku machitidwe a Satana; ndikuti palibe kuweruza ndi kuwoneratu kwa umunthu kuwona mphamvu iliyonse ya chisamaliro chimene Mulungu amachita kupyolera mwa angelo ake pa ana a anthu m'mayendedwe awo, m'nyumba zawo, m'kudya kwawo ndi kumwa. Kulikonse kumene ali, diso Lake lili pa iwo. Iwo ali osungidwa ku chikwi cha zoopsa, zonse kwa iwo zosaoneka. Satana watchera misampha, koma Yehova nthawi

zonse akugwira ntchito kuti apulumutse anthu ake kuchokera kwa iyo. {14 Manuscript Releases 2.3}

Komabe iyi ndi mfundo yomwe Mulungu akufotokoza mu Malamulo khumi ndipo ili mfundo imene Yesu ananena kwa atsogoleri achiyuda kuti nyumba yawo yasiyidwa kwa iwo bwinja. Ndi mfundo yomweyi yonenedwanso ngati mfundo yokhuza anthu amene akukana lye.

Mulungu amawerengera mafuko. Palibe mpheta imagwa ku nthaka popanda kuzindikira Kwake. Omwe akuwachitira zoipa anthu anzawo, nati, Mulungu adziwa bwanji? tsiku lina adzaitanidwa kukumana ndi kubwezera kwa nthawi yayitali. Mu m'badwo uno kunyozedwa koposa wamba kumaonetsedwa kwa Mulungu. Amuna afika poteropa mwano ndi kusamvera zomwe zimasonyeza kuti chikho chawo cha kusayeruzika chatsala pang'ono kudzaza. Ambiri atsala pang'ono kudutsa malire wa chifundo. Posachedwapa Mulungu adzasonyeza kuti lye ndi Mulungu wamoyo. Adzatero kwa angelo, "Musamenyanenso ndi Satana m'zoyesayesa zake zowononga. Achite zoipa zake pa ana osamvera; pakuti chikho cha mphulupulu yao chadzaza. Iwo apita patsogolo kuchokera ku umodzi mlingo wa kuipa ku wina, kuonjezera tsiku ndi tsiku ku kusayeruzika kwawo. Sindidasokonezanso kuti woonongayo asachite zake ntchito." {Review and Herald, September 17, 1901 par 8}

Kotero pamene Ellen White akunena zomwe ziti zidzachitike posachedwapa iye ali kumangosonyeza kuti mfundo ya padziko lonse ya Mulungu yothana ndi mpatuko ili yoti yatsala pang'ono kuchitika. Sichinali chochitika chakamodzi kokha ai. Izi zikuphatikizidwa ndi mawu awa achilengedwe chonse okhudza za angelo a Mulungu.

Angelo amatumizidwa kuchokera ku mabwalo akumwamba, osati kuwononga; koma kuyang'anira ndi kusunga miyoyo yosautsidwa, kupulumutsa otayika, kuwabweretsanso osokera ku khola. {Review and Herald, May 10, 1906}.

Angelo samabwera pa dziko lapansi kudzadzudzula ndi kuwononga, kulamulira ndi kuchititsa ulemu, koma ali amithenga achifundo kuti agwirizane ndi Mkulu wotsogolera khamu la Ambuye, kuti agwirizane ndi anthu othandizira omwe adzapite kufunafuna ndi kupulumutsa nkhosa zotayika. Angelo akulamulidwa kuwazinga iwo amene amaopa ndi kukonda Mulungu. {Signs of the Times, November 20, 1893, par. 3}

Tithokoze Yehova kuti sanatumize angelo ake kuti adzawononge. Iye siwowononga koma wobwezeretsa.

Mulungu Sakakamiza Aliyense

Kuti munthu aliyense athe kukhala ndi ufulu wosankha ndi kukhala nazo zipatso za zosankha zawo, Mulungu sangakamiza aliyense pa nthawi iliyonse. Chowonadi ichi chafotokozedwa momveka bwino m'Baibulo ndi Mzimu wa Chinenero.

Moyo wanga uli m'dzanja langa chikhalire; Koma sindiiwala chilamulo chanu. Masalmo 119:109

Ndipo ngati kutumikira Yehova kukuipirani **mudzisankhire lero amene mudzamtumikira**, kapena milungu imene anaitumikira makolo anu okhala tsidya lija la mtsinje, kapena milungu ya Aamori amene mukhala m'dziko lao; koma ine, ndi a m'nyumba yanga, tidzatumikira Yehova. Yoswa 24:15

Pamene munthu akuwopsezewa kuti aphedwa ndi amene akukanidwa kumutsatira, uwu si ufulu wosankha. Ngati Mulungu awopseza kuti adzawotcha ndi kuwononga iwo amene akana kumutsatira lye, lye sakuwapatsa iwo ufulu wosankha. Mu nkhanayi ndiyekuti lye akukamiza iwo kuti amusankhe lye. Koma boma la Mulungu silitero.

Kugwiritsa ntchito mphamvu kumatsutsana ndi mfundo za boma la Mulungu; Amangofuna utumiki wa chikondi; ndipo chikondi sichingatheke kulamulidwa; sichingagonjetsedwe ndi mphamvu kapena ulamuliro. Ndi chikondi chokha chikondi chimadzutsidwa. Kumudziwa Mulungu ndiko kumukonda lye; Khalidwe lake liyenera kuwonetseredwa mosiyana ndi khalidwe la Satana. {Desire of Ages 22}

Kupanduka sikunali koyenera kugonjetsedwa ndi mphamvu. Mphamvu yokakamiza imapezeka pansu pa boma la Satana lokha. Mfundo za Ambuye sizili mwa dongosololi. Ulamuliro wake wakhazikika pa ubwino, chifundo, ndi chikondi; ndipo kafotokozedwe ka mfundo zimenezi ndi njira yogwiritsidwa ntchito. Boma la Mulungu ndi la makhalidwe abwino, ndi choonadi ndi chikondi ziyenera kukhala mphamvu yopambana. {Desire Ages 759.1}

Kukakamiza ndiyo njira yomalizira ya chipembedzo chonyenga chilichonse. {Signs of the Times, May 6, 1897}

Chikondi sichikhoza kulamulidwa. Baibulo limati chikondi changwiro chimatulutsa mantha. Ngati Mulungu aopseza anthu ndi imfa ndiye kuti Mulungu sangapulumutse aliyense ku mantha.

Utumiki wa Khristu

Ndi malingaliro awa m'maganizo, ndikufuna ndikuwonetsereni mndandanda wa mawu ochokera mu Mzimu wa Chinenero womwe amavumbulutsa momveka bwino utumiki wa Khristu ku dziko lapansi. Monga Yesu anati, utumiki Wake unali kuvumbulutsa ulemerero kapena khalidwe la Atate. Mu Yohane 17, ndime ziwiri zokha kuchokera pamene lye ananena kuti anadza kudzalemekeza Atate, lye akunena izi.

Ndalionetsera dzina lanu kwa anthu amene mwandipatsa lne m'dziko lapansi; anali anu, ndipo mwandipatsa lne iwo; ndipo adasunga mau anu. Yohane 17:6

Mulungu analengeza dzina lake kwa Mose monga momwe kwalembedwera pa Eksodo 34:5. Apa Khristu amatiuza kuti sanangolalikira koma kuti anaonetsera dzina la Atate ake. Izi zikutanthauza kuti anatiwonetsa ife Atate. Monga lye adanena kwa Filipo.

Yesu ananena naye, Kodi ndili ndi inu nthawi yaikulu yotere, ndipo sunandizikira, Filipo? lye amene wandiona lne waona Atate; unena iwe bwanji, Mutionetsere Atate? Yohane 14:9

Ndikukupemphani kuti muganizire mozama mawu otsatirawa kuti mudziwe utumiki wake wa Khristu ku dziko lino unali wotani.

Chikondi ndi **ulemu** ndi **ungwiro zovumbulutsidwa** mu **Uthenga Wabwino** ndi **vumbulutso kwa munthu za chikhalidwe cha Mulungu**. **Chilungamo** ndi **ubwino** zomwe **zinkawoneka** mu khalidwe la Khristu ziyenera kubwerezedwa m'miyoyo ya iwo amene amavomereza mwayi wa Uthenga Wabwino. Mwa kuphunzira mawu, tiyenera kuwona lye monga lye ali, ndipo, mokondweretsedwa ndi mawonekedwe a ungwiro Wake waumulungu, tiyenera kukula mu chifaniziro chomwecho. **Tiyenera kumvetsetsa kuti Uthenga Wabwino umavumbulutsa ulemerero wa Ambuye. Zili kalilole amene amaonetsa khalidwe la Mulungu kwa mzimu wotembenuka. Fanizo la Mulungu likuvumbulutsidwa mu khalidwe langwiro la Mwana Wake,** kuti ife tikhoze

kumvetsetsa chimene chimatanthauza kupangidwa mkalidwe la chifanizo cha Mulungu, ndi mmene tingakhale ngati mwa kuyang'anitsitsa nthawi zonse ndikulola kusinthidwa kuchoka ku "ulemerero kupita ku ulemerero." {Signs of the Times, February 24, 1909, par. 3}

Uthenga Wabwino wavumbulutsidwa m'mabuku anayi oyambirira a Chipangano Chatsopano. Ndi m'mabuku amenewa momwe ulemerero wonse wa Ambuye wavumbulutsidwa. Izi ndi zomwe Paulo akunena ku zotsatirazi:

Koma ife tonse ndi nkhope yosaphimbika popenyenera monga mwa kalirole ulemerero wa Ambuye, tisandulika m'chithunzithunzi chomwechi kuchokera kuulemerero kunka kuulemerero, monga mwa Mzimu wa Ambuye. 2 Akorinto 3:18

Khristu akuuza Filipo kuti ngati angathe kuona Khristu ndiye kuti akhoza iye kuona ndendende momwe Atate alili.

Mwa Khristu Mulungu adawona chiwonetsero cha chifaniziro chake. Mulungu adawonekera m'thupi chifukwa cha chidziwitso chonse cha khalidwe lake ndi khalidwe la Khristu. Kuti Mulungu angawotseredwa chonchi m'thupi kunali kodabwitsa kwa khamu lakumwamba; "chingakhale chinsinsi chomwe chinabisika kuyambira nthawi zakale m'mibadwo." {Signs of the Times, April 15, 1897, par. 10}.

Timauzidwa kuti kuonekera kwa Khristu m'thupi kunavumbula modzaza khalidwe lake la Mulungu. Kudziwika konse kwa khalidwe Lake kunavumbulutsidwa pamene Khristu anali pano pa dziko lapansi.

Mulungu amafuna ungiro wa ana Ake. Lamulo lake ndi cholembedwa cha khalidwe Lake lomwe, ndipo ndi muyezo wa chikhalidwe chonse. Uwu ndi muyezo wopanda malire womwe umaperekedwa kwa onse kuti pasakhale cholakwika chokhuza mtundu wa anthu amene Mulungu adzapanga Ufumu wake. **Moyo wa Kristu pa dziko lapansi unali kufotokoza kwa ngwiro kwa lamulo la Mulungu**, ndipo pamene iwo akudzinenera ali ana a Mulungu adzakhala monga Khristu mu khalidwe, iwo

adzakhala omvera malamulo a Mulungu. {Christ's Obect Lessons 315.1}

Ngati moyo wa Kristu pa dziko lapansi unali chisonyezero cha ngwiro cha lamulo la Mulungu ndiye chiyandinso kodi Mzimu wa Chinenero umanena za lamulo la Mulungu?

Lamulo la Mulungu ndi lopatulika monga Mulungu mwini. Ndi vumbulutso la chifuniro Chake, cholembedwa cha khalidwe Lake, chonenedwa cha chikondi chaumulungu ndi nzeru. {Patriarchs and Prophets 52}

Ngati moyo wa Kristu pa dziko lapansi uli chisonyezero cha ngwiro cha lamulo la Mulungu ndipo lamulo ndi lopatulika monga lye mwini ndipo ali cholembedwa cha khalidwe Lake ndiyeno Khristu pa dziko lapansi anvumbulutsa mwa ngwiro khalidwe la Mulungu. Ndi maganizowa, lingalirani mawuwa owuziridwa:

Khristu sanaphe aliyense. {Christ Triumphant 248.4}

Izi ndi ndendende zomwe lamulo la Mulungu limatiuzira:

Usaphe. Eksodo 20:13

Kodi tingatsatire ganizoli.

1. Moyo wa Khristu pa dziko lapansi unali chionetsero cha ngwiro cha lamulo la Mulungu.
2. Khristu sanaphe aliyense.
3. Lamulo limati musaphe.
4. Choncho, Mulungu sapha – aliyense.

Izi ndi nzophweka monga momwe Baibulo limanenera kuti pali Mulungu mmodzi ndi Ambuye mmodzi. Dziko la Chikhristu limapangitsa chowonadi chosavutachi kukhala chovuta kwambiri koma sichoncho. Nzosavuta. Dziko la Chikhristu limapangitsanso kukhala kovuta kwambiri ganizo lakuti Mulungu amapha anthu pamene Khristu momveka sanatero ndipo lye ali vumbulutso lathunthu la Atate.

Iwo amene adakumana ndi madalitso a Mulungu ayenera kukhala anthu othokoza kwambiri. Iwo ayenera kutumiza mawu kwa Mulungu a chiyamiko chifukwa Khristu adadza m'chifanizo cha thupi la uchimo; kuvala umulungu wake ndi umunthu, kuti abweretse pamaso pa dziko lapansi ungwiro wa Mulungu mu khalidwe Lake. Iye anafika kuimira Mulungu, osati monga woweruza wankhanza, koma monga Atate wachikondi. “Pakuti Mulungu anakonda dziko lapansi koteru, kuti anapatsa Mwana wake wobadwa yekha, kuti yense wakukhulupirira Iye asatayike; koma akhale nawo moyo wosatha.” Mulungu ndiye chikondi. Ichi chinali chowonadi chachikulu chomwe Khristu anabwerera ku dziko lapansi kudzavumbulutsa. **Satana anawonetsera molakwika kwambiri khalidwe la Mulungu ku dziko lapansi, moti munthu anaima kutali ndi Mulungu; koma Khristu adadza kudzawonetsera ku dziko lapansi makhalidwe a Atate, kuwonetsera chithunzi chenicheni cha umunthu wake.** “Monga Atate anandipatsa Ine lamulo, chotero Ine ndichita.” “Lamulo ili ndinalandira kwa Atate wanga.” **Cholinga cha utumiki wa Khristu ku dziko lapansi chinali choti avumbulutse Atate.** {Signs of the Times, April 11, 1895, par. 2}

Khristu ndiye chifaniziro chenicheni cha umunthu wa Atate monga tauzidwa mu Ahebrei 1:3. Ellen White akunena kuti Khristu anabwera ku dziko lapansi kudzaonetsa makhalidwe a Atate monga chifaniziro chenicheni cha umunthu wa Mulungu. Kenako mau a mwala wapangodya.

Cholinga cha utumiki wa Khristu ku dziko lapansi chinali kuvumbulutsa Atate. {Signs of the Times, April 11, 1895, par. 2}

Mau amenewa ndi mafotokozedwe athunthu a pa Yohane 17:4. Utumiki wa Khristu unali kuvumbulutsa Atate. Zikomo Ambuye chifukwa cha mau wofotokozedwa momveka bwino awa.

Kristu anakweza makhalidwe a Mulungu, namupatsa matamando; ndi kumpatsa iye ulemu, cholinga chonse cha utumiki wa Iye mwini pa dziko lapansi, - kunali kuwongolera anthu m'dziko lapansi kudzera muvumbulutsu la Mulungu. Mwa Khristu anavekedwa

pamaso pa anthu chisomo cha Atate ndi ungwiro wosayerekezeka wa Atate. M'pemphero lake atatsala pang'ono kupachikidwa, ananena kuti, "Ndalionetsa dzina lanu." "Ine ndakulemekezani inu pa dziko lapansi; Ndatsiriza ntchito imene munandipatsa kuchita." Pamene cholinga cha utumiki wake chinakwaniritsidwa, — vumbulutso la Mulungu ku dziko lapansi, - Mwana wa Mulungu adalengeza kuti ntchito yake yatha, ndi kuti khalidwe la Atate linawonetseredwa kwa anthu. {Signs of the Times, January 20, 1890, par. 9}

Apanso, tasiyidwa mosakayika ponena za cholinga cha utumiki wa Khristu pa dziko lapansi. Kunali kuwawongolera anthu kupyolera mu vumbulutso la Mulungu. Kufutukula kwa Ellen White kwa Yohane 17:4 kumafotokoza mokongola bwino utumiki wa Khristu:

Pamene cholinga cha utumiki Wake chinakwaniritsidwa, — vumbulutso la Mulungu ku dziko lapansi, - Mwana wa Mulungu adalengeza kuti ntchito yake yatha, ndi kuti khalidwe la Atate linawonetseredwa kwa anthu. {Signs of the Times, January 20, 1890, par. 9}

N'zosangalatsa kwambiri kudziwa kuti utumiki wa Kristu wapa dziko lapansi unatisonyeza zimene Atate ali. Tingakhale otsimikiza kuti timawadziwa Atate kudzera mwa Yesu. Choncho, Khristu ndiye njira kwa Atate, choonadi cha Atate, ndi moyo wa Atate.

Iwo ayenera kutsatira mfundo zakumwamba pano pa dziko lapansi ngati iwo angakhale ziwalo za m'banja la chifumu kumwamba. Moyo wa Khristu m'dziko lathu lapansi unali woti awonetsere mukhalidwe Lake chikhaliidwe cha ulemerero waukulu wa khalidwe la Mulungu. Mau ake anali kupereka moyo, [kuti] ndi mau Ake ndi zochita kuti iwo akhale ndi lingaliro loona la khalidwe Lake. Akhristu asaiwale ngakhale kwa mphindi imodzi kuti ayenera kukhala otsatira a Khristu m'zinthu zonse. {Manuscript 11-1895.10}

Mau awa sanga ophophonyeke. N'chifukwa chiyani anthu amafuna kunena kuti Khristu adangobwera kudzavumbulutsa chifundo cha Mulungu pa dziko

lapansi basi koma pambuyo pake adzavumbulutsa chilungamo cha Mulungu? Izi zingathetse chidaliro m'zolembedwa zouziridwa za Baibulo ndi Mzimu wa Wachinenero.

Osakwanitsa kulimbana ndi ntchito Yake, Khristu amapindula, ngakhale mu Yerusalemu, chikoka pa anthu chachikulu kuposa chawo. Khamu la anthu amene sanali ndi chidwi ndi kuzikuza kwa akulu a mpingo [Arabi] anakopeka ndi chiphunzitso Chake. **Iwo amatha kumvetsa mau Ake, ndipo mitima yawo idatenthedwa ndi kutonthozedwa. Iye analankhula za Mulungu, osati monga woweruza wobwezera, koma monga tate wachifundo, ndipo Iye anavumbulutsa chifaniziro cha Mulungu monga wonetseredwa mwa Iye mwini.** Mau Ake anali ngati mafuta onunkhira ku mzimu wovulazidwa. Mzonse mau Ake ndi ntchito Zake zachifundo Iye anali kuswa mphamvu zopondereza za miyambo yakale ndi malamulo opangidwa ndi anthu, ndi kusonyeza chikondi cha Mulungu mchidzalo chosatha. {Desire of Ages 204.4}

Kufotokozera momveka bwino kwambiri. Khristu anawonetsera khalidwe la Atate pamene Iye anali pano pa dziko lapansi. Chinali chiwonetsero changwiwo.

Kotero zakhala, ndipo koteronso zidzakhhalanso mpaka mapeto a nthawi. **Tchimo ndi khalidwe la Satana, ndipo nthawi zonse limatsutsana ndi za bwino.** Mzimu wa Kaini umaonekera m'zipembedzo zonse zonyenga. Ntchito ya Satana ndiyo kutsutsa ndi kuwononga, kuchotsa ufulu wa munthu ndi kuwononga moyo wake. Kulakwa nthawi zonse kumatsogolera anthu kuchita zinthu monga ngati wotumukira wa Satana, kuti akwaniritse zolinga zake zotsutsana ndi Mulungu ndi chilungamo. **Ku Nazarete Khristu analengeza kuti ntchito yake inali ya kubwezeretsa ndi kukweza, kubweretsa mtendere ndi chisangalalo. Iye anabwera ku dziko lino kuti adzawonetsero Atate, ndipo Iye anavumbulutsa mphamvu Yake ya umulungu pakupereka moyo kwa akufa, pakubwezeretsa odwala ndi zowawa ku ubwino ndi thanzi. Iye anali m'dzikoli ngati mtengo wa moyo. Satana**

ali pa nkondo ndi Khristu, Wobwezeretsa wa umulungu. Omutumikira ake amagwirizana kutsutsana ndi ntchito ya Mpulumutsi yokweza ndi kulemekeza munthu. Imfa yoyamba m'dziko lathu lapansi idabwera chifukwa cha mfundo za Satana; ndipo kuyambira nthawi imeneyo Khristu ndi omtsatira Ake akhala cholinga cha udani wake woopsa. {Signs of the Times, March 21, 1900, par. 13-15}

Kusiyana kwa mauwo n'koonekeratu. Ntchito ya Satana ndiyo kutsutsa ndi kuwononga, kuchotsa ufulu ndi kuwononga moyo. Ntchito ya Khristu ndiyo kubwezeretsa ndi kukweza ndi kubweretsa mtendere. Kusiyana kodabwitsa kotere. Pogwira ntchito imeneyi Khristu wavumbulutsa Atate. Ndikumva chimwemwe powerenga mau awa. Ine ndikuyembekeza inunso mutero.

Kupyolera mwa Yesu, Mwana wa Mulungu, Atate avumbulutsidwa mokwanira ku dziko lapansi. Yesu anauza ophunzira ake kuti: “Ngati inu mudandidziwa Ine, mukadadziwanso Atate wanga; ndipo kuyambira tsopano inu mumzindikira Iye, ndipo mwamuwona Iye. Filipino adanena naye, Ambuye, tiwonetseni ife Atate, ndipo chitikwanira. Yesu ananena kwa iye, Ndakhala ndi inu nthawi yayitali, ndipo simunadziwa Ine, Philip? Iye amene wandiona Ine waona Atate.” Miyoyo zikwi ikufuula lero, “Tiwonetseni ife Atate, ndipo ife tidzakhutitsidwa. Sitingathe kunena Mulungu monga ngati Atate wathu mpaka ife titawona Iye.” Yesu akuuza miyoyo yonse yoteroyo, monga mmene anamuzira Filipino: “Ndakhala ndi inu nthawi yayitali, ndipo simunadziwa Ine?” Kodi inu mwaona ntchito zanga, kodi inu mwamvera malangizo anga, kodi inu mwachitira umboni zozizwitsa zimene ndazichita m'dzina la Atate wanga, ndipo komabe inu simunamvetse chikhalidwe cha Mulungu? **Ine ndapemphera ndi inu ndikupempherera inu, komabe simungathe kuzindikira kuti Ine ndine njira, ndi chowonadi, ndi moyo; ndi kuti m'moyo wanga ndakufutukulira kwa inu khalidwe la Atate wanga? Ine ndine chinyezimiro cha ulemerero wa Atate wanga, Ine ndine chifaniziro chenicheni cha umunthu Wake.** ‘Simukhulupirira inu kuti Ine ndiri mwa Atate, ndi Atate ali mwa

Ine? mau amene Ine ndilankhula kwa inu sindilankhula kwa Ine ndekha; koma Atate amene akhala mwa Ine, Iye achita zintchito. Khulupirirani Ine kuti Ine ndili mwa Atate, ndi Atate ali mwa Ine; kapena khulupirirani Ine chifukwa cha ntchito. Indetu, indetu, ndinena Ine kwa inu, Iye amene akhulupirira Ine, ntchito zimene Ine ndizichita iyenso adzazichita; ndiponso ntchito zazikulu kuposa izi azidzachita; chifukwa ndipita kwa Atate wanga.” {Signs of the Times, June 9, 1890, par. 1}

Kodi sizosangalatsa? Vuto lomwe Filipino anali nalo, liripobe lero. Iye sakanatha kuona kuti Khristu anali chiwonetsero chodzaza cha Atate. Pafupifupi dziko lonse la Chikhristu likuvutika ndi khungu lomweli. Zikomo Ambuye Yesu chifukwa chotionetsa Atate pamene munadza pa dziko lapansili.

Khristu anabwera ku dziko lathu lapansi kuzakhala nsembe yathu. Iye adabwera kuzapeza ku maso athu miyala ya mtengo wapatali ya choonadi, kuyiika iyo m'malo atsopano, —chimake cha choonadi. Iye anatulutsamo m'nyumba yosungiramo chuma ya Mulungu zinthu zatsopano ndi zakale, kuti ife tikhale okhoza kutsatila maulalo a mdongosolo lalikulu la chipulumutso. Kupyolera mu nsembe zoperekedwa za nthawi ya Chiyuda, tikulozeredwa kutsogolo kwa Khristu, Mwanawankhosa wa Mulungu amene akuchotsa tchimo la dziko lapansi. Pamene Khristu adadza, kunali kuchita m'mukangano ndi mdani wa Mulungu ndi munthu, pa dziko lapansi pano, pamaso pa dziko la kumwamba. **Koma nchifukwa chiyani kunali koyenera kuchitaku nkondo pamaso pa maiko ena? —Chinali chifukwa chakuti Satana anali mngelo wamkulu wokwezeka, ndipo pamene iye anagwa, iye ananyengerera angelo ambiri kuti agwirizane naye poukira Ufumu wa Mulungu. Iye anagwira ntchito m'maganizo mwa angelo monga iye akugwiriranso ntchito m'maganizo a anthu lero. Iye ananamizira kukhulupirika kwa Mulungu, komabe iye anatsutsa zoti angelo ayenera kukhala pansu pa lamulo. Iye adapereka malingaliro ake, kupanduka kwake ndi udani, ndi kudana**

ndi lamulo la Mulungu kunayambira m'maganizo a angelo akumwamba kudzera kuchikoka chake. Iye anapangitsa kugwa kwa munthu kupyolera mumayesero omwewo amene iye anapangitsa kugwa kwa angelo; ndi m'dziko lomwe adaganiza zogwiritsa ntchito mfundo zake zopanduka, nkondo inayenera kumenyedwa, kuti onse awone chikhalidwe chenicheni ndi zotsatira za kusamvera ku muyezo waukulu wa makhalidwe abwino a Mulungu. Iye anawonetsera Mulungu mu kuwala kwabodza, kumuveka lye makhalidwe ake omwe. **Khristu anabwera kudzawonetsera Atate m'khalidwe Lake lenileni. Iye anawonetsa kuti lye sanali woweruza woipa, wokonzeka kubweretsa maweruzo pa anthu, ndi kusangalala kuwadzudzula ndi kuwalanga iwo chifukwa cha zochita zawo zoipa.** Yehova analengeza khalidwe lake kwa Mose mu phiri. “Ndipo Yehova anatsika mumtambo, naimapo pamodzi ndi iye, nafuula dzina la Yehova. Ndipo Yehova anapita pamaso pake, nafuula, Yehova, Yehova Mulungu wachifundo ndi wachisomo, wolekereza, ndi wa ukoma mtima wochulukana, ndi chowoonadi; wakusungira anthu zikwi chifundo, wakukhululukira mphulupulu ndi kulakwa ndi kuchimwa; koma wosamasula wopalamura.” {Signs of the Times, November 18, 1889, par. 6}

Vumbulutso lapamwamba chotero la Atate. Ellen White akupereka chidule chabwino za chifukwa chake Yesu anayenera kubwera pa dziko lapansi. Satana anali atanyenga ambiri kumwamba za khalidwe la Mulungu komanso mtundu wonse wa anthu. Khristu anavumbulutsa chowonadi cha Mulungu ali ndani.

Uku kunali kufotokoza kumene Mulungu anapereka za khalidwe la lye mwini. Yesu anabwera kudzawonetsa ubwino ndi chifundo ndi chikondi cha Atate, ndipo Satana anadzazidwa ndi udani kwa Mwana wa Mulungu, ndi kulimbana ndi lye kuchokera pakubadwa kwake kuti amuwononge. Iye anagwira ntchito kudzera mwa Herode woipa kuti akwaniritse cholinga chake koma Yehova anasunga moyo wa khanda Yesu, ndi kulepheretsa cholinga cha woipayo. Mobwerezabwereza moyo wa Khristu unali

pachiopsezo. Nthawi zambiri ngakhale pambuyo pa anthu anali atamva mau ake achisomo, ndipo adawona chiwonetsero cha mphamvu zake pochiritsa odwala ndi kudalitsa amene ali pafupi naye, iwo anali okonzeka kumuwononga. Iye amadana ndi uchimo ndi udani wangwiro. Unali moyo wangwiro, wopanda banga wa Yesu umene unayambitsa kudana ndi Satana ndi mtundu wonyansa; pakuti Khristu sanachimwa, kapena chinyengo sichinapezeka mkamwa mwake. Mtundu wa Ayuda unadzazidwa ndi kukaikira ndi sankho, ndipo izi zidawatsogolera kudana ndi Mwana wa Mulungu. Chifukwa cha kusakhulupirira kwawo, adali kumbali ya mdani, pansi pa ulamuliro wa woipayo. {Signs of the Times, November 18, 1889, par.7}

Kumwamba, kuyang'ana pansi ndikuwona chinyengo m'mene anthu adatsogoleredwa, ankadziwa kuti Mlangizi wa umulungu ayenera kubwera ku dziko lapansi. Kupyolera m'chiwonetsero cholakwika cha mdani, ambiri adanyengedwa kotero kuti amapembedza mulungu wonyenga, wovekedwa ndi zikhumbo za khalidwe la Satana. Amene ali mu umbuli ndi mundima wamakhalidwe ayenera kukhala ndi kuwala, kuwala kwa uzimu; pakuti dziko silinamudziwe Mulungu, ndipo Iye ayenera kuvumbulutsidwa ku kumvetsa kwawo. Choonadi chinayang'ana pansi kuchokera kumwamba ndipo sichinaone chinyezimiro cha chifaniziro chake; chifukwa mitambo yandiweyani ya mdima wa uzimu ndipo mdima unakuta dziko lapansi. Ambuye Yesu yekha ndiye akadatha kubweza m'mbuyo mitambo; pakuti Iye ndiye kuunika kwa dziko lapansi. Ndi kupezekapo Kwake Iye akadakhosa kuchotsa mthunzi wamdima umene Satana anaponya pakati pa munthu ndi Mulungu. {Counsels to Teachers 28.1}

Mwana wa Mulungu anabwera pa dziko lapansi kudzavumbulutsa khalidwe la Atate kwa anthu, kuti iwo akaphunzire kupembedza Iye mu mzimu ndi m'choonadi. Iye anabwera kudzafesa dziko lapansi ndi choonadi. Iye anagwira mfungulo wa chuma chonse cha nzeru, ndipo adatha kutsegula zitseko ku sayansi, ndikuvumbulutsa nkhokwe zosapezeka zachidziwitso, izi zinali zofunika ku chipulumutso. Kuwala kumene kumaunikira munthu aliyense

amene akubwera mu dziko lapansi, gawo lililonse la choonadi linali umboni kwa Iye. {Counsels to Teachers 28.2}

Mu chiyero cha moyo Wake adavumbulutsa Atate, ndipo ulemmerero wa Mulungu unawala kuchokera ku khalidwe Lake. Ungwirowa wa Atate unasonyezedwa pamaso pa maiko osagwa, pamaso pa anzeru akumwamba, ndi kwa anthu ochimwa. Mu ntchito ya ukhalapakati wa Khristu, chikondi cha Mulungu chidavumbulutsidwa mu ungwiro wake kwa anthu ndi angelo. Atagonjetsa mayesero ndi kupirira mayeso mchikululu, atagonjetsa m'malo mwathu, Iye akhota mapazi Ake kupita ku Kalivare, ndipo mu ungwiro wa umunthu Iye agwira dziko lapansi, ndipo mu chidzalo cha umulungu Wake agwira mpando wachifumu wa Mulungu, ndipo alengeza zotsatira za nkondo Yake yoopsa ndi mdani, nafaula, "Tsopano kalonga wa dzikoli lapansi watayidwa kunjani," tsopano mdani wotsiriza wawonongedwa. {Signs of the Times, June 27, 1895, par. 7}

Zonse zomwe munthu ayenera kudziwa kapena angadziwe za Mulungu zavumbulutsidwa mu moyo ndi khalidwe la Mwana Wake. "Kulibe munthu anaona Mulungu nthawi zonse; Mwana wobadwa yekha wakukhala pa chifuwa cha Atate, Iyeyu anawonetsera Iye." Yohane 1:18. **Kutenga umunthu pa Iye, Khristu anabwera kudzakhala limodzi ndi munthu ndipo nthawi yomweyo kuvumbula Atate wathu wakumwamba kwa anthu ochimwa.** Iye anali mu zinthu zonse anapangidwa monga kwa abale Ake. Iye anasandulika thupi, monganso ife tili. Iye anali wanjala, ndi waludzu, ndi wotopa. Iye anathandizidwa ndi chakudya ndi kutsitsimutsidwa ndi tulo. Iye anagawana nawo gawo la anthu, komabe Iye anali Mwana wa Mulungu wopanda cholakwa. Iye anali mlendo ndi wogonera pa dziko lapansi – mu dziko, koma osati wa dziko lapansi; kuyesedwa monga ngati amuna ndi akazi lero amayesedwa, komabe kukhala moyo wopanda uchimo. **Wokoma, wachifundo, womva chisoni, nthawi zonse woganizira ena, Iye amawonetsera khalidwe la Mulungu, ndipo nthawi zonse ankatumikira Mulungu ndi munthu.** {8 Testimonies to the Church 286}

Kodi khalidwe la Mulungu linavumbulutsidwa mochuluka bwanji mwa Mwana?

Khalidwe lonse la Mulungu linavumbulutsidwa mwa Mwana wake, mndandanda wonse wazothekera zakumwamba zikuwonetsedwa chifukwa cha kulandiridwa kwa munthu mwa Mwana wa Wopandamalire. Njira ya kubwerera kwa munthu kwa Mulungu ndi kumwamba palibe zopinga. Zosayerekezeka kuya kwa chikondi cha Mpulumutsi kwasonyezedwa; ndipo ngati chiwonetserochi cha chikondi cha Mulungu kwa ana a anthu sichikhoza kukokera anthu kwa lye yekha, palibe chimene chingadzathe. – {Signs of the Times, December 30, 1889, par. 6}

Umodzi wa Khristu ndi Atate unali chisangalalo chosalekeza kwa Mulungu, chifukwa lye anadziwa kuti m'dziko lapansi muli Mmodzi amene sakanawonetsera lye molakwika. Mwa Khristu lye anawona chinyezimiro cha khalidwe Lake lomwe. Ndipo zidali kuti omutsatira Ake akakhoze kukhala ndi umodzi womwewu, ichi chinali chokhumba chachikulu cha Khristu. Kwa umodzi uwu lye anapemphera. [Yohane 17:17-21, mau otengedwa.] {14 Manuscript Releases 220.2}

Mwa Khristu Mulungu adawona chiwonetsero cha chifaniziro chake. Mulungu anawonetseredwa m'thupi chifukwa cha kudziwika kwake konse kwa khalidwe Lake ndi khalidwe la Khristu. Kuti Mulungu ayenera kuwonetseredwa motero m'thupi kunali kodabwitsa kwa khamu lakumwamba, “ngakhale chinsinsicho chidabisika kuchokera ku nthawi za kalekale, ndi kuchokera ku mibadwo ya kalekale.” {Signs of the Times, April 15, 1897, par. 10}

Mulungu sanasiyeko chilichonse chimene lye akanatichitila ife. lye anapereka chitsanzo changwiwo cha khalidwe Lake mu khalidwe la Mwana Wake; ndipo ndi ntchito ya otsatira a Kristu, monganso iwo apenya ukulu wosayerekezeka wa moyo Wake ndi khalidwe, kukula mu mawonekedwe Ake. Pamene iwo akuyang'ana pa Yesu ndi kuyankha ku chikondi Chake, iwo adzanyezimilitsa chifaniziro cha Khristu. {Review and Herald, Feb. 15, 1898}

Satana anaimba Mulungu mlandu wokhala ndi makhalidwe amene iye [Satana] mwini anali nawo. **Khristu anabwera ku dziko lapansi kudzavumbulutsa khalidwe la Mulungu monga momwe lili.** Iye ndiye chiwonetsero changwirowo cha Atate. Moyo Wake wopanda tchimo, anakhala pa dziko lapansi mu chikhalidwe cha umunthu, ndi kutsutsa kotheratu zoneneza za Satana pa khalidwe la Mulungu. {Bible Training School, Oct 1, 1902}

Khristu ndiye chitsanzo chathu, chitsanzo changwirowo ndi choyera chomwe chidapatsidwa kwa ife kuti tichitsatire. {Manuscript 65, 1894}

Khristu yekha akanakhoza kuwonetsera Atate kwa anthu, ndipo chiwonetserochi ophunzira anali ndi mwayi wochiwona kwa zaka zoposa zitatu. {Desire of Ages 664}

Mphunzitsi wochokera kumwamba, osati munthu wocheperapo Mwana wa Mulungu, anabwera pa dziko lapansi kudzavumbulutsa khalidwe la Atate kwa anthu, kuti angathe kulambira Iye m'mzimu ndi m'choonadi. Khristu anavumbulutsa kwa anthu kuti mfundo zokhwima kwambiri zotsatira mwambo ndi mawonekedwe sizingathe kuwapulumutsa iwo; chifukwa Ufumu wa Mulungu unali wa uzimu mu chikhalidwe chake. Khristu anabwera ku dziko lapansi kulifesa ndi choonadi. Iye anagwira mfungulo wa chuma chonse cha nzeru, ndipo anatha kutsegula zitseko ku sayansi, ndi kuvumbulutsa nkhozi za chidziwitso zosapezedwa, ngati zinali zofunika ku chipulumutso. Iye anawonetsa kwa anthu zomwe zinali ndendende zosiyana ku ziwonetsero za mdani kukhuzana ndi khalidwe la Mulungu, ndipo adafuna kutsimikizira pa anthu chikondi cha tate cha Atate, amene "anakonda dziko lapansi kotero, kuti anapatsa Mwana Wake wobadwa yekha, kuti yense wakukhulupirira mwa Iye asatayike, koma akhale nawo moyo wosatha." [Yohane 3:16.] Iye analimbikitsa anthu kufunikira kwa pemphero, kulapa; kuvomereza, ndi kusiya tchimo. Iye anawaphunzitsa chilungamo, kuleza mtima, chifundo, kukoma mtima, ndi kuwalamulira iwo kukonda osati okha amene anawakonda, koma iwo amene adawada iwo, amene anawachitira iwo chipongwe. Mwa ichi Iye anali kuwavumbulutsira kwa iwo

khalidwe la Atate, amene ali woleza mtima, wachifundo, ndi wachisomo, wosakwiya msanga, wodzala ndi ubwino ndi choonadi. Iwo amene anavomereza chiphunzitso chake anali pansu pa chisamaliro cha angelo, amene anatumidwa kulimbikitsa, kuunikira, kuti choonadi chikhoza kukonzanso ndi kuyeretsa moyo. {Christian Experience and Teaching 74.1}

Pofotokoza za utumiki Wake padziko lapansi, Yesu anati, Ambuye “andidzoza Ine ndiuzo anthu osauka Uthenga Wabwino; anandituma Ine kulalikira am’nsinga mamasulidwe, ndi akhungu kuti apenyanso, kutulutsa ndi ufulu ophwanyika.” Luka 4:18. Iyi inali ntchito Yake. Iye anayendayenda kukachita zabwino ndi kuchiritsa onse oponderezedwa ndi Satana. Panali midzi yonse kumene kunalibe kubuula kwa matenda m’nyumba mwawo, pakuti Iye anadutsa pakati pawo nachiritsa odwala awo onse. Ntchito yake inapereka umboni wa kudzozedwa Kwake kwa umulungu. **Chikondi, chifundo, ndi kukoma mtima zidavumbulutsidwa m’zochita za moyo Wake; mtima Wake unatuluka momvera chisoni ana a anthu. Iye anatenga chikhalidwe cha munthu, kuti Iye akhoze kufikira zofuna za munthu.** Osauka ndi odzichepetsa kwambiri sanachite mantha kuyandikira kwa Iye. Ngakhale ana ang’ono adakopeka naye. Iwo anakonda kukwera pa mawondo Ake ndi kuyang’ana pa nkhope yoganiza kwambiri, yokondwa ndi chikondi. Yesu sanapondereze mau amodzi a choonadi, komanso Iye anaalankhula nthawi zonse mwa chikondi. Iye anachita mwa nzeru kwambiri ndinso woganizira, wokoma mtima mkulumikizana Kwake ndi anthu. Iye sanali wamwano, sanalankhule mopanda pake mau a ukali, sanapereke konse kupweteka kosafunikira kwa moyo wosachedwa kukhuzika. Iye sanadzudzule kufooka kwa munthu. Iye analankhula choona, koma mwa chikondi nthawi zonse. **Iye anadzudzula chinyengo, kusakhulupirira, ndi kusayeruzika; koma misozi inali m’liwu Yake pamene Iye amanena madzudzulo Ake amphamvu.** Iye analirira Yerusalemu, mzinda umene Iye anakukonda, umene unakana kumulandira Iye, njira, chowonadi ndi moyo. Iwo anali atamukana Iye, Mpulumutsi, koma

adawachitira chifundo. Moyo Wake unali umodzi wa kudzikana ndi chisamaliro choganizira ena. Moyo uliwonse unali wa mtengo wapatali m'maso mwake. Ngakhale lye anabadwa yekha ndi ulemerero wa umulungu, lye anapereka ulemu mwachifundo kwa chiwalo chilichonse cha banja la Mulungu. Mwa anthu onse lye anaona miyoyo yakugwa umene unali utumiki Wake kuyipulumutsa. **Lotero linali khalidwe la Khristu monga linavumbulutsidwira mu moyo Wake. Ili ndilo khalidwe la Mulungu. Zimachokera mu mtima wa Atate kuti mitsinje ya chifundo cha umulungu, uwonekere mwa Khristu, kutulukira kwa ana a anthu. Yesu, wokoma mtima, Mulumutsi wachifundo, anali Mulungu “wowonekera mu thupi.”** I Timoteyo 3:16. {Steps to Christ 11, 12}

Khristu anadza ku dziko lapansi, naveka umulungu wake ndi umunthu, kutenga pa lye khalidwe la munthu. lye anabwera kudzadzutsa zokumana nazo za munthu, kudutsa panthaka yomwe Adamu adali atagwapo, kuwombola kulephera kwake, kukumana ndi kugonjetsa mdani wa Mulungu ndi munthu, kuti mwa chisomo Chake munthu angakhale mgonjetsi, ndipo potsiriza akhale ndi malo ndi lye pa mpando Wake wa chifumu. lye anatenga gawo la mkangano, ndipo pa chiduswa cha dziko mkangano pakati pa Khristu, Kalonga wa moyo, ndi Satana, kalonga wa mdima, kuyenela kumenyedwa. **Ndi kulakwa munthu adakhala mwana wa woyipa, wogwidwa wa Satana, mdani wa Mulungu. Satana anawonetsera molakwika khalidwe la Mulungu, ndipo munthu, amene anapangidwa m'chifanizo cha umulungu, anakayikira chikondi cha Atate wake Wakumwamba,** sanakhulupirire mau Ake, ndipo adaziika yekha mu kusakhulupirira kouma khosi ndi kupandukira kutsutsa zofunikira zake. {Bible Echo, November 1, 1892, par. 2}

Khristu anabwera kudzawonetsera khalidwe la Atate Wake, kubwezeretsanso munthu ku kudzipereka kwake kwa Mulungu, kuti ayanjanitse munthu kwa Mulungu. Anaganiza zokumana ndi mdani ndikumuvumbulutsa maluso ake, kuti munthu akhoza kusankha amene angamutumikire. Satana anali Lusifara,

wonyamula kuunika, wogawana nawo ulemmero wa Mulungu kumwamba, ndi wachiwiri kwa Yesu mu mphamvu ndi ukulu. M'mau wouzilidwa iye akulongosoledwa kukhala amene “anasindikiza chidzalo chonse; wodzala ndi nzeru, ndi wokongola wangwiro.” Koma Lusifara anali atapotoza kukongola ndi mphamvu zomwe adapatsidwa ndi Mlengi, ndipo kuwala kwake kunasanduka mdima. Pamene kudzera mwa kupanduka kwake anachotsedwa kumwamba, iye anatsimikizika kupanga munthu kapolo wake, ndi dziko lapansi ufumu wake. Anaponya mlandu wa kupanduka kwake pa Khristu, ndipo mu udani wotsimikizika kwa Mulungu, nafuna kuvulaza lye kupyolera mu kugwa kwa munthu. Mu chisangalalo ndi mtendere wa Edeni, anaona masomphenya a chisangalalo chimene iye anachitaya kwamuyaya, ndipo adatsimikizika kuyambitsa mkwiyo m'mitima ya zolengedwa za Mulungu komweko iye mwini anamva, koterokuti nyimbo zawo zotamanda ndi zoyamika zingatembenuke chitonzo kwa Mlengi wao. {Bible Echo, November 1, 1892. par. 3}

Sing'anga wamkulu amagwirizana ndi kuyesayesa kulikonse kopangidwa m'malo mwake mwa munthu wozunzika, kupereka kuunikira ku thupi, ndi moyo ndi kubwezeretsa kwa moyo. Ndipo chifukwa chiyani izi? Satana anabwera m'dziko lathu lapansi, natsogolera anthu m'kuyesedwa. Ndi uchimo anabwera matenda ndi kumva zowawa, pakuti ife tituta chimene ife tafesa. **Satana pambuyo pake anapangitsa munthu kuti aike pa Mulungu mazunzo omwe ali zoonachotsatira cha kuswa lamulo. Mulungu motero amatsutsidwa mwabodza, ndipo khalidwe lake limawonetsedwa molakwika.** Iye akuimbidwa mlandu wochita zimene Satana mwiniwake wachita. Mulungu akufuna kuti anthu ake avumbulutse bodza limeneli la mdani. Kwa iwo lye waapatsa kuunika kwa Uthenga Wabwino wa thanzi, ndipo monga oyimilira Ake ayenera kupereka kuwala kwa ena. {Christian Educator, October 1, 1898, par. 9}

Kumwamba konse kuli ndi chidwi ndi chipulumutso cha munthu, ndipo ntchitoyo ingachitike msanga, ufumu wa Mulungu ungabwere, ndipo dziko lapansi lidzazidwa ndi chidziwitsos cha Mulungu monga momwe madzi amadzazira nyanja. **Chikhumba**

chachikulu cha anzeru akumwamba ndichakuti khalidwe la Mulungu, kwa nthawi yayitali lawonetseredwa ndi kumasuliridwa molakwika, lingawonetseredwe bwino pamaso pa onse amene ananyengedwa ndi machenjerero a mdani. Satana waika kwa Mulungu makhalidwe ake, ndipo tsopano sinthawi yomwe dzina la Khristu liyenera kukhala lalikulu pakati pa achikunja? Mulungu akuitana iwo amene aunikiridwa kuti agwe m'mzere, ndi kuyamba kulimbika nkondo pamalo wotetezedwa a woyipayo. {Home Missionary, September 1, 1892, par. 6}

Chiyembekezo chokhacho cha mtundu wakugwa chinapezeka pakukhala woyanjanitsidwa ndi Mulungu. Satana anali atamuwonetsera molakwika kwambiri Mulungu chotero munthu analibe lingaliro lenileni la khalidwe la umulungu. Khristu anabwera ku dziko lapansi, ndipo, pochita dongosolo la chipulumutso, anavumbulutsa kwa munthu kuti “Mulungu ndi chikondi.” {Messenger, June 7, 1893, par. 2}

Khristu anabwera kudzaimira Atate kwa munthu. Iye anavumbulutsa chikhalidwe cha Mulungu ku dziko. Satana anaimilira molakwika Atate. Anamuwonetsa ngati munthu wodzaza ndi kubwezera, amene alibe kuleza mtima, wopanda chifundo, wopanda chipiriro, wopanda chikondi. Iye anamuveka iye zikhumbo zake; koma Khristu anadza, ndi kuzitengera pa iye umunthu, kuti avumbule kwa munthu khalidwe lenileni la Atate; ndipo tiyenera kuyimira Khristu ku dziko monga Khristu ankayimira Atate. {Review and Herald, April 30, 1889, par. 8}

Satana wayimira molakwika khalidwe la Mulungu. Iye anamuveka iye ndi makhalidwe ake omwe. Iye wayimirira iye ngati munthu waukali wosasinthika. Iye adatsekera dziko kutali kuti asawone khalidwe lenileni la Mulungu, poponya mthunzi wake pakati pa anthu ndi Mulungu. Khristu anabwera ku dziko lathu kuchotsa mthunzi umenewo. Iye anabwera kudzayimirira Atate. Iye anati: “Iye amene wandiona Ine waona Atate.” Anapemphera kuti ophunzira ake akhale amodzi ndi iye, monganso iye anali amodzi ndi Atate. Anthu adalalikira kuti umodzi uwu ndi Khristu ndi

wosatheka, koma Khristu anapanga izi kutheka potibweretsa mu chiyanjano ndi Iye mwini, kudzera mu ubwino wa moyo ndi nsembe Yake. Chifukwa chiyani tiyenera kukayikira chikondi ndi mphamvu za Mulungu? Chifukwa chiyani sityenera kudziyika tokha ku mbali ya chikhulupiriro cha funso? Kodi mumaona zodabwitsa ndi zokopa za Yesu? Chotero funani kutsatira mapazi ake. Iye anabwera kudzavumbulutsa Atate ku dziko lapansi, ndipo wapereka kwa ife ntchito ya kuyimira chikondi, chiyero, ubwino, ndi chifundo Chake, kwa ana a anthu. {Signs of the Times, April 15, 1889, par. 6}

Yesu anadza pa dziko lapansi kuti adzayimire khalidwe la Atate ku dziko. Iye anati, “Iye amene wandiwona Ine wawona Atate.” Satana anaimilira molakwika khalidwe la Mulungu, ndipo anamuika Iye mu kuwala kwabodza. Koma Yesu anabwera kudzavumbulutsa chikondi cha Atate ndi chifundo kwa ana akugwa a anthu. Pamene iwo amene amadzinenera kukhala atumiki a Mulungu amagwetsa nkhope zawo mu mdima, ndipo ali akudandaula nthawi zonse, amaimilira Atate wawo wakumwamba molakwika. Iwo amatsimikizira lingaliro limene Satana ali nalo kukhuzana ndi khalidwe Lake. Iwo amati ku dziko, “Utumiki wa Mulungu ndi utumiki wovuta. Ndi ukapolo kusunga lamulo la Mulungu.” Zonsezi ndi zabodza. Ndi chiyani chomwe chimayika maunyolo m'manja mwa anthu? Ndi kumvera ku lamulo kodi? Ayi ndithu. Iwo amene amasunga malamulo amayenda paufulu. Ndi wolakwa amene ali mu ukapolo. Themberero la lamulo siliri kwa iwo amene akuyesetsa kukwaniritsa malamulo opatulika a Mulungu kudzera m'chikhulupiriro mwa Muwomboli. Iwo amaphimbidwa ndi chilungamo Chake. Iwo ali pa mtendere ndi Mulungu kudzera mwa Ambuye wathu Yesu Khristu. {Signs of the Times, September 30, 1889, par. 7}

Yesu ankasakidwa kuchokera ku malo ndi malo mu utumiki wake. Ansembe ndi olamulira anali panjira Yake. Iwo anaimira molakwika utumiki ndi ntchito Yake. Iye anadza kwa ake ndi ake sanamulandire Iye. Angelo ankayang'ana mkanganowo nthawi zonse phazi lililonse. Iwo anawona mzimu ndi ntchito ya mdaniyo. Iwo anayang'ana ndi kuzizwa pa machenjerero a Satana polimbana

naye Mwana wa Mulungu. Iwo anawona iye amene anali yekha wachiwiri kwa Yesu mu mphamvu ndi ulemerero atagwa pansi kwambiri ndikuti amatha kukopa anthu kuti azisaka mapazi a Khristu kuckoka ku mzinda ndi mzinda. Pamene Khristu ankafuna munda wa Getsemane, mdani anaika mdima pa moyo Wake. Ngakhale ophunzira ake sanadikire naye pa ora la mayesero. Iwo anamva ululu wa pemphero limene linachokera pa milomo yake yokhumudwa ndi yonjenjemera, koma posakhalitsa iwo analola tulo kuti tiwagonjetse, nasiya Mbuye wawo akuzunzika kulimbana ndi mphamvu za mdima yekha. {Signs of the Times, Nov 25, 1889, par. 1}

Pokhapokha anthu atadziwa Mulungu monga Khristu adavumbulitsira Iye, iwo sangapange khalidwe lofanana lotsatira umulungu, ndipo chotero sadzawona konse Mulungu. Ndi nkhani yozizwitsa pakati pa angelo kumwamba, kuti aliyense amene anadziwapo Mulungu angakhale wosasamala, angalole malingaliro awo kuti atengeke mukalikonse kosakhalitsa, ndi kulola kuti chiyang'aniro chawo chipatutsidwe kuchoka pa Mulungu wa Kumwamba, ndikuti iwo anafuna mwaufulu kuiwala Mlengi wawo, ndi kulowetsa m'malo Mwake ambuye ena ndi milungu ina. Tsiku lafika pamene alipo ambuye ambiri ndi milungu yambiri, ndipo Satana wafuna kulowererapo iye yekha pakati pa Mulungu ndi moyo wa munthu, kotero kuti anthu sangalemekeze Mulungu posunga malamulo Ake. Satana waziveka zovala zonyezimira za ungelu, nadza kwa anthu ngati mngelo wa kuwala. Iye amachititsa munthu wolakwa kuona zinthu m'njira yopotoka, kotero kuti amadana nacho chimene iye ayenera kuchikonda, ndi kuchikonda icho chimene ayenera kuchida ndi kuchinyoza. Mulungu amaimiridwa molakwika kwambiri kwa iye kotero kuti iye sasamala kusunga Atate wowona ndi wamoyo m'chidziwitso chake, koma amatembenukira ku kulambira milungu yonyenga. Iye sadziwa kuti chikondi cha Mulungu chilibe chofanana nacho, komabe Khristu wavumbulutsa chikondi chimenecho kwa dziko lakugwa. Yohane akuitana dziko lapansi kuti liwone chikondi chodabwitsa cha Mulungu, akuti, "Taonani, chikondicho Atate watipatsa, kuti titchedwe ana a Mulungu; ndipo tili ife otere. Mwa

ichi dziko lapansi silitizindikira ife, popeza silimzindikira lye.”
{Review and Herald, March 9, 1897, par. 10}

Satana anaimilira molakwika khalidwe la Mulungu ku dziko lapansi, ndipo adayesa munthu kuti apanduke; koma Yesu anadza kudzawonetsera mu moyo wake ndi chikhalidwe chake chomwe chinali chikhalidwe cha Atate. Kulikonse kumene lye anapita, lye anavumbulutsa Atate ngati Mulungu wa chikondi chopandamalire ndi chifundo chopandamalire. {Signs of the Times, May 18, 1891, par. 2}

Mu umunthu ndi ntchito ya Khristu chiyero cha Mulungu chavubulutsidwa; pakuti Khristu anadza kudzavumbutsa Atate. Satana adaponya mthunzi wake kulepheretsa njira ya munthu, ndi kuimira molakwika khalidwe la Mulungu. Mkangano wa Satana sunathe pamene iye anathamangitsidwa m'mabwalo a kumwamba. Anadana ndi Khristu chifukwa cha udindo wake m'mabwalo a Mulungu, ndipo anamuda iye koposa pamene iye mwini anachotsedwa pa mpando. Iye anadana naye pamene lye adadza ku dziko lowonongeka, kudzawonetsa chifundo ndi kuwonetsera kukoma mtima kwake ku fuko la ochimwa. Kudzera mwa ansembe a akulu ndi Afarisi udani wa Satana unawonekera kwa Mwanawankhosa wa Mulungu amene achotsa machimo adziko lapansi. {Signs of the Times, December 11, 1893, par. 8}

Utumiki wa Khristu ku dziko lapansi umavumbulutsa zomwe Atate akanachita muzodzidzimutsa ZONSE. Chodzidzimutsa chachikulu kwambiri chomwe chilengedwe chakumana nacho ndi mkangano waukulu. Mwa Khristu Yesu zavumbulutsidwa zomwe Atate akuchita.

Ntchito ya Msamariya wachifundo ikuyimira ntchito ya Khristu ku dziko. Mpulumutsi wathu anabwera kudzavumbulutsa khalidwe la Mulungu, kuyimira chikondi Chake kwa munthu. Iye anachita monga momwe Atate akadachita muzadzidzidzi ZONSE. Khristu anaonetsera kwa ife chikondi chimene chikondi cha munthu sichingafanane nacho. Iye anafa kuti apulumutse amene anali adani ake; lye anapempherera womupha. Pamene ife tinali kuvulazidwa ndi kufa, lye anatichitira chifundo ife. Sanatipitirire kutsidya lina,

natisiya ife opanda chithandizo; ndi opanda chiyembekezo, kuti tiwonongeke. Iye sanakhale m'malo ake oyera, ku nyumba kosangalala, kumene analemekezedwa ndi khamu lonse la kumwamba, amene anakakonda kuchita zofuna Zake. Anaona chosowa chathu chachikulu; Iye adatmvetsesa mlandu wathu, ndipo adazindikiridwa zokonda Zake ndi anthu. Iye anakhala "munthu wa zisoni, ndi wodziwa zowawa . . . Iye anavulazidwa chifukwa cha zolakwa zathu, Iye anatunduzidwa chifukwa cha mphulupulu zathu; chilango cha mtendere wathu chinali pa Iye; ndi mikwingwirima Yake ife tinachiritsidwa." {Home Missionary, October 1, 1897, par. 7}

Khristu ndiye Wobwezeretsa Waumulungu yemwe sagwiritsa ntchito chikakamizo.

Ulosi wanena momveka bwino chikhalidwe cha ufumu wa Khristu. **Iye adakonza boma lomwe silidzagwiritsa ntchito chikakamizo; anthu ake sangadziwe kuponderezedwa.** Zidzindikiro za maboma a dziko lapansi ndi zilombo za mthengo, koma mu ufumu wa Khristu anthu akuitanidwa kuti aone, osati chilombo cholusa, koma Mwanawankhosa wa Mulungu. **Osati monga wankhanza woopsa Iye anabwera, koma monga Mwana wa munthu; osati kugonjetsa a mitundu ndi mphamvu yake ya chitsulo, koma "kulalikira uthenga wabwino kwa ofatsa;" "kumanga osweka mtima, kulalikira kwa am'singa mamasulidwe, ndi kutsegulira kwa ndende kwa omangidwa; "kutonhoza onse akulira." Iye anadza monga Wobwezeretsa waumulungu,** kubweretsa kwa anthu oponderezedwa ndi onyozedwa ulemerero ndi chisomo chochuluka cha Kumwamba, kuti ndi mphamvu ya chilungamo chake; munthu, wakugwa ndi wotsitsidwa mmene iye analili, akhoza kukhala wogawana nawo umulungu. {Review and Herald, August 18, 1896, par. 3}

Tikuwona nkhani yomwe inali pachiwopsezo mu 1888. Inakhudzana ndi khalidwe la Mulungu.

“Pa msonkhano waku Kansas pemphero langa kwa Mulungu linali, kuti mphamvu ya mdani yithe kusweka, ndi kuti anthu amene anali kukhala mu mdima akhoza kutsegula mitima yawo ndi malingaliro awo ku uthenga umene Mulungu ayenera kuwatumizira iwo, kuti athe kuwona chowonadi, chatsopano kwa malingaliro ambiri, monga choonadi chakale mu chotengera chatsopano. Kumvetsetsa kwa anthu a Mulungu kwachititsidwa khungu; pakuti Satana wayimira molakwika khalidwe la Mulungu. Ambuye wathu wabwino ndi wachisomo waperekedwa pamaso pa anthu atavekedwa mu zikhumbo za Satana, ndipo amuna ndi akazi amene akhala akufunafuna choonadi, kwa nthawi yaitali ankaona Mulungu mukuwala kwa bodza moti n’kovuta kuchotsa mtambo umene umaphimba ulemmerero wake m’kuwona kwawo. Ambiri akhala mnyengo yokaika, ndipo zikuoneka kuti pafupifupi kosatheka kwa iwo kugwira chiyembekezo choikidwa kwa iwo mu Uthenga Wabwino wa Khristu” {Review and Herald July 23, 1889}

Mau otsatirawa ndi njira yabwino kwambiri kumaliza kusunghanitsaku kwa mau. Khristu sawononga. Iye amakonza chilichonse chimene iye wachikhudza. Aleluya.

Ife tiyenera kuyang'anitsitsa phunziro lililonse limene Khristu wapereka pa moyo wake wonse ndi chiphunzitso Chake. Iye sawononga; iye amakonza chilichonse chomwe iye wachikhudza. E.G.W Letter 135 1897 {I Selected Messages, 118}

UTUMIKI WA KHRISTU
KU DZIKO LAPANSI

Khristu anakweza khalidwe la Mulungu, kumpatsa lye matamando, ndi kumpatsa lye ulemu, ku cholinga chake chonse cha utumiki wake pa dziko lapansi, kukonza anthu kupyolera mu vumbulutso la Mulungu. Mwa Khristu adavekedwa pamaso pa anthu chisomo cha tate ndi ungwiro wosayerekezeka wa Atate. Mu pemphero lake lye asanapachikidwe, lye analengeza, “Ine ndaliwonetsera dzina lanu.” “Ine ndakulemekezani pa dziko lapansi; Ine ndatsiriza ntchito imene munandipatsa Ine ndichite.” Pamene cholinga cha utumiki wake chinali chitakwaniritsidwa, ndicho chivumbulutso cha Mulungu ku dziko lapansi, —Mwana wa Mulungu analengeza kuti ntchito yake inakwaniritsidwa, ndikuti khalidwe la Atate linawonetseredwa kwa anthu. {Signs of the Times, January 20, 1890, par. 9}

maranathamedia.com

tatewachikondi.com